

皇  
明  
史  
概

皇明大政記卷之二十四

臣朱國禎謹輯

正德十年乙亥正月己未朔 虜入潮河川 贈嘉祥

主簿李錫爲知縣蔭子 陝西總督鄧璋築榆林外

城及一帶牆堡 民間訛言宮中選女 二月己丑

朔 節烈五十六人 皆死於賊者列名旌善亭人止給銀三兩 瓊州祀

大學士丘濬於宋儒蘇軾奇句書院 山西三關都

御史陳八祥修築山陰 虜入延綏寧夏 三月戊

午朔 王府官納職候缺者有司皆得逮治 開封知府賀鏡

奏之 大學士楊廷和父憂乞歸留之辭不允 尋允奔喪給勅

差官便令  
葬畢供職

宥真鑄孫肅材居鳳陽 陵祭官遇雨

不許拜跪門下 增紫荊等三關兵備一員 錄程

番府平賊功 戶部主事戴冠上疏謫驛丞 太師

英國公張懋卒 四月戊子朔 甲申考察京官

致仕尚書溥珪卒 禁三關開墾山場 丙辰前江

西副使胡世寧為寧王所劾自歸臺獄詔送鎮撫司

御史徐文華疏救 陞南司業魯鐸為南祭酒 閏

四月戊午朔 獎韓府鎮國將軍範堦孝友 吏部

尚書楊一清兼武英殿大學士 督漕右都陶琰南

兵書張濬致仕 嚴營軍盜馬之禁 改陸完吏部

尚書 虜入延綏擊却之 右都叢蘭督漕 召選

彭澤以鄧璋兼理 改王瓊兵部尚書 南右都熊

繡卒 五月丁亥朔 陞右都石玠戶部尚書 改

南禮部尚書喬宇南兵叅贊 陞侍郎李遜學南禮

書 雲南地震 驗月不止或日至二十次黑氣如霧地裂水湧死者數千人 彭

澤掌院事 王璟右都總制甘肅 盜入公安縣

增京城捕盜官軍定賞格 逮南主事王璠 放糧道辱千戶

六月丙辰朔 四川賊雷伯友等伏誅 侍郎趙

璜兼僉都治河 革潼關彰德兵備二員 兩廣總

兵郭勛屢被劾不問 廣東右布政吳廷舉兼副使

治嶺西兵備 朵顏內侵陞桂勇署都督僉事禦之

先表奏請陳乾 又分三路入犯 各邊通事每歲一更 總督彭澤

奏土番復歸哈密金印城池尋以重賞贖還速檀拜

牙 駕自西安門出經宿而還大學士梁儲等疏諫

不報 李昆副都撫甘肅 邇各營官軍 虜入延

綏 雲南安撫綿捧作亂被擒死於獄 七月丙戌

朔 四川銅仁苗首作亂斬之 討平徐九齡餘黨

御史高公韶疏劾王瓊降典史 重修太素殿

允占城領封使臣李貫等還京 甘肅兵破虜 給

事中范洵請用京考官議寢 給提學官關防

請通

固原兵禦虜敗績

大同巡撫高友幾失事

降副使

八月乙卯朔

南刑部侍郎藍章兼僉都

理鹽兩淮長蘆僉都王雲鳳理兩浙福建

虜大入

陝西

給還開平王玄孫緯江都田宅

陞吏部侍

郎毛紀禮部尚書

陳恪副都撫南贛

畿內盜鄭

紀王捨命就擒

御史張經劾太監于喜下獄

九

月甲申朔

陞金華太守劉滄爲副使不允

先言事  
獲職爲

中官  
所卿

虜寇隴川洮岷右都督張洪率萬人赴之

設工部催木郎中二員

改陳金總督兩廣加太子

太保

時周南  
致仕

陝西總督鄧璋病歸

雲南巡撫王

懋中乞錄大學士劉健等被旨詰責 陞陳天祥

副都總督陝西 十月甲寅朔 曹祖誣告張鶴齡

兄弟陰謀不軌免鶴齡兄弟朝叅祖尋自殺事寢

南工書柴昇致仕

陞黃錫代

陞河南布政孫燧副都撫江西

時俞諄陞任

給事中任忠

上言邊事

請治失事將官巡撫官必經六年方遷總兵官亦宜久任從之

御史李

穩施儒爲民

穩除惡被訐儒爲守備太監劾擅作威福

十一月癸未朔

僉都張津撫蘇松 范鏞僉都操江 虜人宣府

雲州 查理內閣書籍 太監劉允往烏斯藏賫送

番供等物 經始乾清宮 調卻永鎮寧夏 十二

月癸丑朔日食改次日視郊牲 漵江布政方良永

致仕

朱寧需鈔  
疏劾乞歸

陞鄧庠南戶部尚書 太監崔瑤

訐寧波知府翟唐逮問降三級 虜入渾源應州等

處

戒諭淮王祐祀

為寧王所惡殺  
長史莊與不問

南戶書胡富

致仕 改南贛巡撫陳恪大理卿 革曹州武定州

大名府兵備 文選司火

正德十一年丙子正月癸未朔 丁未贈韶州府同知

韓銑本府知府蔭子沈國子生

上虞人

二月壬子朔

松番牆柵完勅獎撫臣馬昊 復遣各處審錄官

鹽法僉都王雲鳳病歸陳天祥代 革江西東鄉



縣新設兵備 給熊繡孫養膳米月一石 少卿何孟春之奏

復留曹州兵備 允楊廷和終制 令服闋散復入京 管

開主事王鑾沛縣知縣胡守約下獄 繼造太監史宣之奏 並

設東西兩官廳 東用太監張忠西用張泰外四家江彬統之 上以閣人善騎射者自領

之謂之中軍 悉天黃及甲 陞馬昂右都督 獻有子女弟得幸 捕生虎

豹 亦不刺殘虜復寇西海討敗之 三月壬午朔

立伏羲廟於秦州 古成紀地 宣府山西巡撫孟春王

翊坐失事被劾皆降叅議 慶城王府諸將軍奇瀛

等勘罪得實奪爵及祿 定宗室婚封巡撫奏請母

啟郡王 廷臣上言馬昂納妹事皆不報 四月壬

子朔 慶成永和二王府祿米折銀餘仍舊 廣東

布政吳廷舉薦江西致仕布政舒清履寢 黔公沐

崑加太子太傅賜勅褒獎事母孝 賜寧王宸濠書院

名陽春 河南大饑 貴州巡撫曹祥被劾召還勘

處鄒文盛代 五月辛巳朔有司存問侍郎章懋南

事徐文 宣諭土魯番 江西提學僉事田汝耔薦

養病御史宋景舉人劉養正詔景復職養正起送

追贈陳選光祿卿謚恭愍 虜謀入寇整團營及邊兵

禦之 雲南巡撫王懋中致仕 致仕兵部尚書劉

大夏卒 太監浦智往蘇杭織造 改范鏞巡撫雲

南

李鎮代  
標江

宣府大雨

六月辛亥朔

科道疏天

下四害

山西布政使天民陳達乃楊一清所庇奏議  
朱清乃蘇賢所庇登州知府張龍則朱寧所

平原縣妖人胡文智伏誅

南尚書潘蕃卒

齊府江兵備

七月庚辰朔

收泰山元君祠香銀

以為修理

會討貴州叛苗阿傍等

謫胡世寧成

遼東

河南巡撫李充嗣乞禁止進貢各項科派從

人監廖堂所派  
其貢物如舊

河南修韓文公廟

并復許商命  
即皆充副奏

虜寇白羊口都督劉暉太監張忠將京營兵赴之

侍郎丁鳳督宣大軍務致仕大學士李東陽卒

刑陰學士劉球曾孫祚為國子生奸民朱大周

疏劾大學士楊一清吏部事 降御史張經爲典史

按宣大効太監于喜因以築城杖死役夫中之

益兵守紫荆關口 侍郎

趙璜俞琳俱兼憲職分修畿內八府武備 八月庚

戌朔 四川熨蠻作亂鎮撫招諭不聽卽會兵進討

以巡按紀功 左都彭澤提督東西兩路邊關 獲

虜諜奸僧法順 虜大入宣府邊將戰敗促張忠等

進兵成國公朱輔總兵同彭澤節制科道紀功 募

擒叛人猴兒李

原名李廣指揮戰敗李廣爲憂患

工部歲給光祿

寺銀二千兩修器皿 逮宣府總兵潘浩 太學士

楊一清致仕 巡按李節乞優禮尚書韓文不允

陞南鴻臚卿王守仁食都巡撫南贛 南京地震 陳

雍副都撫鄖陽 尚書學士蔣冕兼文淵閣大學士

九月己卯朔 虜犯龍門所官軍禦之失利 禮

部尚書毛紀兼學士管誥勅召南尚書李遜學代尋

以吳儼代遜學 討岐山賊魏景陽平之 福餘衛

請由開原入貢止之 上猶盜起殺贛縣主簿吳世

廟退召彭澤等還京 右都督馬昂罷 女弟得幸 者始疎

十月己酉朔 致仕尚書屠勲願佐卒 御史徐

文華上言太廟禮儀下獄黜為民 虜入遼東敗去

僉事韓邦奇下獄為民 太監王 堂所陷 湖廣水災 十

一月戊寅朔 蔭國初弘文館學士羅復仁曾孫與

為國子生 湖廣賊賀璋等就擒 內批都給事中

呂經潘墳陞外任皆州同知 祭都御史馬中錫

十二月丁未朔 趙鑑清理江南鹽法

壬戌終養御史陳茂烈卒有司樹坊表宅歲祭優給其

家 河間府水災 魯王陽籌計奏兗州太守童旭

勘明戒飭魯王改旭別府

正德十二年丁丑正月丁丑朔 巳丑郊 遂幸南海子

城御殿行慶成禮明日以所服賜廷 部院考察留

用張龍 知府 孫清 科道再劾不聽 土魯番滿

速兒復據哈密寇肅州殺邊將芮寧 廣東連山縣

野火延入城焚公私廨舍幾盡 二月丁未朔 虜

入宣府敗諸將大掠 陝西虜患都御史彭澤提督

三邊右都督邵永總兵 楊潭戶部尚書督倉 虜

入開原 趣大學士楊廷和赴京并賜勅 上幸功

德寺 加王璽少保 三月丙子朔 庚寅策貢士

倫以訓等三百五十人賜舒芬倫以訓崔桐以下及

第出身有差

是日 上騎出北安門從者數人至順天府街面還見使傳制 考官大學士

勅員少唐順清得勅木王廷陳江應松陳琛馬汝驥

應漸作翰歐陽必進趙錦史道安志德許相卿夏言

劉初季本郊霽曾劉最蔡經林公麟張岳陳良謨王

冕周問吳鼎華豹林希元王邦瑞許宗魯浦欽臧應

奎

選汪佃等三十四人爲庶吉士

湖廣郴州地

震

四月丙午朔

西官廳將官許泰朱彬等監試

武舉

副都鄭陽撫陝西

大學士靳貴致仕

科場  
冊後

勅

甘肅兵破土魯番於瓜州

撫州福州泉州浙

金鄉衛俱地震

召邊將魯祥等入京聽用

五月

乙亥朔

敘州變平

尚書毛紀兼東閣大學士

寧府典寶閻順典膳陳宣及內使劉良告宸濠陰謀下

錦衣衛獄各杖五

發

孝陵

延綏總兵柳河辭

任因極陳邊將剝削之弊

癸未

上微行至石經

山玉泉亭數日乃還

高精庶人聰濶逸出獲之



雲南寧州盜起官兵討之敗績 柳桂峒賊襲福全

作亂討之 許湖廣太監杜甫巡歷比較兵部執奏

不從 左都御史彭澤病歸 王璽所奏 始權進貢番船

六月乙巳朔日食 福州府地屢震 查革新設

抽分處所 王守仁請疏通鹽法許之 給事中陳

霑查大同糧草 許泰張洪俱賜國姓 福建南靖

賊詹師府等不 陞毛澄禮部尚書右都王璟左都

御史 尚書李遜學兼學士管誥勅 掌通政尚書

李浩致仕 山陽縣九黑龍見大雨 土魯番計奏

彭澤事

七月乙亥朔享

太廟

始命會昌侯孫紹代

陞山東僉事許達

江西副使

添外夷入貢人數

加蔣冕太子太傅

毛紀太子太保

許事沈光大除名司務林華外任

以杖較尉下獄

于王守仁提督軍務

措置宜大二鎮劄

糧足主客兵四五年支用侍郎鄭宗仁往督

時上將出居

庸關起邊故也諸大臣疏諫皆不報

增甘肅邊兵

八月甲辰朔

上徵服出德勝門至昌平次日大學士梁儲蔣冕毛

紀追至沙河疏諫不納

戊申祭大社大稷

定國公徐光祚

代已酉

上欲出居庸關御史張欽諫阻還幸諸

御馬房

設河間總兵大名武定等處兵備

丙辰

上還豹房

設青州顏神鎮通判

戊午

上夜御奉

天殿視朝

王守仁斬大庾賊陳日能等賞賚

祀

泗州烈女何氏

大學士梁儲等再請豫擇近屬教

養不報

陞廣東左布政吳廷舉副都賑濟湖廣

丙寅

上夜出德勝門如居庸

召兩廣總兵武定

侯郭勛還京總三千營

建

納款

湖廣巡撫秦

金討平江賊

祭酒魯鐸告歸

辛未

上度居庸

遂幸宣府太監谷大用守關無縱出者

許泰藩所

乞苑地尋寢

九月甲戌朔

上在宣府營鎮國府

第居之

陝西巡撫蕭翀請停織造龍拔不聽

江

西巡撫孫燧奏復饒州兵并九江兵歸之覆寢 黜

南給事中史魯為民 以王親任京職楊一清所用朱大剛討發勘實魯為民一清有

之 修南 太廟後殿 孝陵明樓內外城樓 久雨損壞

四川叛民陳保答伏誅 河決武城縣 壬辰

上駐陽和城始稱總督軍務威武大將軍總兵行印

信鈞帖 丁酉壽節百官遙行賀禮 上獵大同陽

和衛城 二十七日方獵大南電 虜犯陽和掠應州 江西平

大庾賊賞王守仁等有差 庚子發戶部銀百萬兩

輸宣府備賞 壬寅傳諭巡邊禦虜凡百官朝見諸

司章奏俱如常儀 錄浙江孝豐討叛功 平湯毛九之亂

十月癸卯朔 上駐順聖川 丁未 上親督諸軍

禦虜于應州虜遁 辛亥虜再入犯 上分諸將按

伏嚴備 辛酉刑部仍會官審錄 十一月癸酉朔

上駐大同 錄四川副使馮傑死賊功蔭于百戶 兩

廣合兵破斬府江賊加陞總督陳金以下官蔭于召

金入朝 楊廷和復入閣辦事 照例召至 上已

四川蠻平 獲山西靜樂縣劇賊 楊虎 戊子 上

還至宜府 癸巳南京大風雪 拔 孝陵大 斬雕

陽盜張銳等 固原州地震 辛丑冬至節 上在

宜府 盜焚大學士費宏家殺其群從兄弟巡撫孫

燧勒兵討捕 加兵部尚書王頭少鴻 王守仁平

左溪賊 十二月壬寅朔 上在宣府 大學士楊

廷和等以視牲請還不報 致仕尚書張昇卒 楊

且總督兩廣 復開納銀事例 陞龔弘副都治河

允南監屬官一體考選陞轉 駕在外申飭朝儀

各項 諸大臣至居庸請 駕不得出乃還 閏十

二月壬寅朔 上在宣府 大學士楊廷和以次出郊視牲如常儀 致

仕尚書李傑卒 戒諭京城九門官勿放朝臣出城

正德十三年戊寅正月辛丑朔 上在宣府 群臣於奉天門行禮

命婦朝 三宮如儀 遼東破虜 賜右都朱英謚恭簡 歲

內盜賊木突都都史滅風平黃勳爾李錢督賑江

西太監畢真請與南額二達賊牧河西延

綏邊外勅守臣嚴備守仁池大發等即

擣巢破之 丙午 上還自宣府傳旨用大帽

官章服惟部屬五品以下不與一夕製就迎駕稱

威衣大將軍上戎服乘馬大臣行賀禮大雨雪自

德勝門入東華門庚戌郊復幸南子次日還官

宿豹房夜已半矣賜文武百官銀牌賜賚係翰林官無賀儀不賜

辛酉 上復如宣府 二月庚午朔 上在宣府司禮

官秦用等八人乘傳賚奏赴行在

巳卯 太皇太后崩越三日 上至自宣府發喪 降

御史張世隆薛完爲州判

治薛鳳鳴獄朱寧庇之坐貶

江西清

軍御史范輅劾太監畢真請掣回不報

設江西安

義縣下御史董相於獄

朱彬爲營平報怨遣百戶朱英執人於平谷相杖而

繫之彬請坐貶

下刑部主事鄭懋德林桂於錦衣獄調州

同知

朱寧所親有罪部郎劉秉鑑持之寧怒發私用因得事脅之二人提牢下獄堂官懼得罪發兵

馬司改候得解二人坐貶

都給事中石天柱刺血上疏降御

史王相沐陽知縣

太監蔡鑑所攝

貴州苗賊阿傍等平

三月庚子朔

勒致仕左都彭澤爲民逮甘肅巡撫

李昆副使陳九疇於獄傳

旨調石天柱及王爌

爲推官

二人爭彭澤事作王瓊

起鄧璋撫甘肅

南安府地



震 戊辰 上如昌平 四月己巳朔 衡州府天

雨水 上祭諸陵遂幸密雲 南吏部尚書孫需致

仕 衡州大風雨者三 執永平知府毛思義降知

縣民聞訛傳欲拊子女思義出示直駕 改服闋

禮部尚書劉春於南吏部 改四川高縣爲州 大

理寺卿陳恪卒 五月己亥朔日食 上次喜峯口

欲招致朶顏三衛夷人納質宴勞御史何士元給事

中汪玄錫力諫不報 戊申 上還京 嘗熟縣雷

電白龍一黑龍二壞民居二百家吸舟二十餘艘

移平樂都指揮于府江適中建平堡 丁巳執御史

劉士元于行在軍門杖之繫錦衣獄

指揮黃勳借供應科欽士元按

之逃至行在詣其盡嫁民間女藏匿婦人并知縣曹俊等執下獄後請釋丞

何景明陞

副使陝西督學

叢蘭專理鳳陽巡撫副都臧鳳督

漕

副都陳雍陞侍郎採木

時劉丙巳辛

刑部尚書張

子麟母老歸省

楊州大雨彌月

定出使官朝見

諸王禮儀

寧王驤恣會用臣禮御史范格請遵祖制欽定便服稱官寧王始悉恭構之

六月巳巳朔

教坊司奉鑾臧賢乞閣部覆溫旨留

用

舊制所無

章丘縣大風雨水溢壞居民四千餘家

庚辰

太皇太后梓宮發引

上護宿清河

甲申

葬茂陵

乙酉

上奉神主還京

壬辰祔廟

上人廟門

雷電風雨大作  
燭盡滅

七月戊戌朔

己亥傳

旨命總督

軍務威武大將軍總兵官朱壽巡邊寫制勅錄應

州禦虜功陞賞九千五百五十五人奸商請開池

鹽戶部執奏不聽上魯番請和不許總河都御

史龔弘奏修理事宜壬寅諭兵部加威武大將軍

公爵俸祿

諸大臣諱不報

丙午

駕出東安門勅大學士

楊廷和供事看詳章奏擬旨馳進改李充嗣巡撫

蘇松革密雲兵備无刺人貢丁未上出居

庸關至宣府命守關禁出入如前廣東洩賊平

王守

仁加副都

逮雲南撫臣范鏞

以檄撥都司掌印官也後降參蘇

允鳳

陽太監丘得請勅書兼慮淮揚三府督捕盜賊大學士梁儲執奏不從 八月戊辰朔 上在宣府 定

江浙湖廣南直隸應發口外者即發附近衛所 設

廣東和平縣 建信國公湯和祠於定海 乙酉

上自萬全左衛天城陽和至大同 降天津副使胡

文壁為府照磨

太監張忠所見

賜右都韓雍祠額曰襄毅

即用其諡 祠在梧州

賜前刑部尚書何喬新諡文肅

福建

軍索糧鼓譟逮布政伍符

符時陞都御史 明年贖罪還職

九月戊

戌朔 上次大同 庚子 上至偏頭關自稱鎮國

公 致仕尚書林泮卒 增定武舉條格以內閣兵

書為考驗官

贈鬱林州同知鄭寶為知州蔭子

北著

流縣父子皆死干戚

河南盜王泰等伏誅

江西鉛山民李

鎮等作亂討平之

宸濠誘之殺費宏者

改儼子切父弟切兄

者重刑

舊以同居卑勿論

封朱彬平虜伯朱泰安邊伯

辛巳

聖節

上次宣府羣臣於奉天門行遙賀禮

令節皆如之

賑廬鳳淮揚及蘇常水災量蠲秋稅

十月二日戊辰

上渡黃河

已卯

上次榆林

王守仁勘福建軍情

十一月丁酉朔

火牌調

京軍六千餘人并馬尾蹕

用邊師體行事

災傷減畿南浙

西江西應天等處糧稅

壬子

上至綏德州

幸總兵戴

欽第制  
其女

十二月丙寅朔

降徐州副使余祐府同

知徐州知州樊準州同知

南太監王敬所討

戊寅 上自

榆林渡河幸石州文水諸州縣遂次太原

復召劉良女

博士朱裕請修改曆法命參考

四川熨蠻復叛

癸亥刑部反獄捕獲之

巡按盧雍劾都御史馬昊

不留兵將升州立縣之罪

切責昊立功罷所設州縣

正德十四年己卯正月三日戊辰

上發太原丙子至

宣府

往近數千里

上卻輦乘馬

佩弓矢衝風

雪壓險阻寺人病憊上不以爲勞也

改

郊期於二月

疏南旺濟寧河道

二月乙丑朔

上次宣府 傳

旨朱彬提督團營

壬申還京

迎賀

如前

丁丑郊幸南海子獵京師地震風霾次日上

還御殿行慶成禮免宴大學士楊廷和上還居守

勅報以不時巡幸勿敬高麗國王請改正世系本

未從之刑部主事汪金諫南巡疏不可者九當戒

者一召清軍御史回京勿遣惟浙江河南山東西

存留一年一換獲近郊劇賊趙祥等運船阻凍

者卽納天津倉上自加太師諭府部南巡狩部

科道力爭不報尚書李遜學卒賜闕里五經四

書性理大全等書

先廢於流賊

保定巡撫張頂病歸

三月甲午朔傳旨管家將指揮朱湧等四十七

人填錦衣帶俸舍餘一千人充御馬監勇士 設江

西崇義縣 傳 旨巡狩所過地方勿得驚擾迴避

福建軍毆通判馮希哲知縣蕭泮

惟官高 建所殊

起竄

呆左僉都撫宣府

貴州苗人都清等處殺掠

修

苑中諸殿 以南巡科道官疏諫伏闕

宣諭乃退

明日托疾免朝

蕭山楊時德惠祠增祀游酢羅從

彥 贈漳浦縣丞紀鏞本縣知縣蔭子

南戶部尚

書鄧庠致仕王鴻儒代 修濟運河

設福建平和

縣 王崇文撫保定

增歲貢生

順天應天四年十二人各府每年二

人各州四年六人各縣 每年一人至十八年止

廷臣以南巡力諫

癸丑



郎中黃肇  
員外郎陸

疏修撰針芥編修崔桐庶吉士江華王廷陳

注處轉馬汝驤曹鼎一陳國士徐寧一陳山部開  
中拜鳳等十六人吏部郎中張衍璠等十四人禮部

郎中姜誥等十六人勅辭郎中陸偉等五十五人下

官領回官轎哭視次日楊廷和疏云黃華等六人孫

郎中孫鳳等一百七人罰跪午門外五

日金吾指揮命事張英同跪衛士諸之英以刀自刃  
附諱亦下獄海斬技人

乙卯下寺正等官周敘等十人行人司副余

是瓚等二十人主事林大輅等三人於獄仍與輩等

六人械跪闕前五日 戊午杖孫鳳等一百七人於

午門外各三十爲首者鳳及陸倕張衍瑞姜龍舒芬

調外任戒吏部科道毋得推舉餘奪俸六月死者王

事劉較照磨劉旺 陞右都洪遠南工部尚書 劉

玉王翊僉都操江山東 四月甲子朔 丙寅蒼梧

縣山崩 陞侍郎陳玉南左都御史 謫南御史范

輅為經歷 清軍江西為寧王反畢真所惡 杖兵部郎中黃鞏等三

十九人死者十一人餘以次謫官 福州亂卒葉元

保進貴等伏法餘皆給配 戶部尚書石玠致仕 倉場

陽澤曰 分義子提督東西二關 五月癸巳朔

存恤各處流民 南禮部尚書吳儼卒 岷王請給

譜不許 亡于賊盜 鴈門副使秦偉為鎮守吳經家

奴所毆不問 授江西義官翁亨四為正千戶賞千

金擒賊首 限王府使人不許久留京師 江西上

宸濠孝行報寢 丙辰太監賴義駙馬崔元都御史

顏願壽戒諭宸濠御史蕭淮勅 六月癸亥朔 去

各處總督名號改為提督 松潘都御史馬昊攻東

路番寨敗績 南京練沿江兵巡哨

丙子寧王宸濠反都御史孫燧副使許達死之 己卯

興府 獻皇帝崩 濠取南康九江官吏皆遁 進

賢知縣劉源清勒兵守禦戮濠妃弟婁伯及通謀人

龍津驛丞孫天祐餘干知縣馬津亦起義兵殺其募

兵者數十人餘皆潰歸 都御史王守仁走吉安庚

辰與太守伍文定起兵留兩廣清軍御史謝源制卷

御史伍希儒紀功 大理少卿李鐸安撫土魯番進

貢夷使會勘哈密通虜事情 河南等處地震 逮

四川松潘巡撫馬昊 世宗立釋復官致仕 李瓚左副都督兩

關墩堡 致仕尚書田景賢卒 己丑濠兵圍安慶

府 七月壬辰朔 起文貴撫鄖陽 濠出南昌

致仕侍郎羅玘卒 甘肅巡撫李昆兵備副使陳九

疇及總兵叅將逮至京昆降二級九疇重擬 給事

中黃臣御史趙春調外 坐甘州失事 致仕尚書王鑑之

辛 降御史張文明綬德州知州吳棟為典史

前巡幸作

內官繫獄者

盛應期副都撫四川

致仕尚書王鴻儒

辛

甲辰宸濠反報始至議親征泰安伯朱泰領兵

先往南京太監張忠左都督朱暉先往江西王守仁

暫領巡撫事

侍郎王憲督餉

南兵部尚書喬宇

進值櫟一榜文二

乙未濠自攻安慶守將擊敗之

丁未較正文獻通考完

辛亥王守仁攻克南昌獲宜春王拱樛等

下前上事

林大輅巡城御史洪興於獄尋釋

大輅坐與鄉人飲天監博士朱祿忿

爭異助而告

起林俊南禮部尚書報寢

陞蕭朮

右都總兩廣

獎甘肅巡撫鄧璋

修邊有效

罷鎮守太

監畢真以浦智代

南工部尚書洪遠卒

丁巳削宸濠屬籍詔告天下及江西官員軍民 其日

王守仁率伍文定等擊敗宸濠於樵舍擒之及其黨

八月壬戌朔 陞寧波知府寇大敘應天府丞

朱彬提督錦衣東廠 致仕南兵書張潔卒 會議

居守防邊及廷臣題奏事宜 起養親侍郎邵寶爲

南禮部尚書 錄安慶城守破賊功 賜勅獎勵南

京內外守備叅贊官 大學士楊廷和請照討真鑄

故事行寬卹之詔許之

竟爲江彬所阻

勅楊廷和居守梁

儲蔣冕扈行

陞鄧璋南戶部尚書

陞伍文定江

西按察使

太常寺少卿潘辰致仕

起前江西布

政鄭岳副使胡世寧

南刑書戈瑄致仕

楊廷和

推南吏書劉春掌誥勅

上以廷和鄉人不允責陳

狀尋宥之辦事

大臣分守九門

癸未 上發京師

朱彬提督贊畫軍務朱寧常官較隨行前後上書諄者皆不報

杖

伶官臧賢等藉沒發戍

朱寧使人於張家灣

丁亥

上至

涿州江西平亂表至留不下

調給事中席彖李長

爲州判

勅沐崖不安分

九月壬辰朔

上次保定府禁民

間畜豬

戊戌

上至臨清

己亥罷各處調兵

王守仁械宸濠自獻捷至杭州遇太監張永遂以付

之復還江西張忠朱瑄等兵皆先至永以宸濠獻南

京 癸丑 上自臨清單舸疾趨而北至張家灣復

歸軍中

其所請劉  
親製者

崇明海盜起

獎應天巡撫李

充嗣 致仕尚書林瀚卒

十月辛酉朔

壬午

上發臨清

福建海寇平

十

一月辛卯朔

上過濟寧

丙申

上至徐州

甲

辰

上至淮安府泊于清江浦

昇舟從步入城幸  
總兵顧仕隆第

拘朱寧於臨清收其家屬 己未至寶應漁汜光湖

十二月辛酉朔

上至揚州

大學士梁儲等上



疏力止南京郊祀楊廷和疏如之 乙酉渡江 丙

戌至南京 丁亥祭 太廟 戊子祭奉先殿 致

仕太常少卿潘辰卒 傳 旨罪人解到班師回京

純皇后大祥告祔觀察殿試以次行

正德十五年庚辰正月庚寅朔 上在南京謁 孝陵

廣西兵討徭賊破之 執太監畢真劉瑯劉璟都

指揮廖鵬等下獄 真磔死餘斬 逮臨淮知縣吳鼎

內臣楊秀所奏 二月庚申朔 上在南京 宸濠械至泊

於江干 會試中式張治等三百五十人 三月己

丑朔 上在南京 許祭祀仍用豬 四月戊午朔

淮揚等府大饑賑之 修築南陽白河 貴州兵  
協四川勦賊蠻平之 五月戊子朔 王守仁奏  
江西大水自劾四罪乞罷 回賊劫汧陽縣殺知縣  
賈鉞

六月丁巳朔 駕幸牛首山軍中夜驚 南錦衣衛囚

逸 土魯番入貢歸哈密所攜官軍留連壇拜牙不  
遣 建諸葛亮祠於沂州 亮所生處 虜牧近邊飭諸將

嚴備 尚書掌大理寺楊守隨卒 始允考察疏

發遼東延綏兵還鎮 七月丁亥朔 盜劫滄州

雲南彌勒州十八寨作亂尋討平之 河南廣東盜

平 速湖廣副使黃天爵等

征苗避難懸撫  
吳廷舉所請

八月

丙辰朔

廣東蘇峒等處盜平

己巳虜犯宣大仍

駐宣府西路

侍郎邊憲兼僉都督餉宣府

大學

士靳貴卒

閏八月丙戌朔

壬辰

上詣

孝陵

辭 癸巳受江西俸

令王守仁重上捷音

丁酉

發龍江

辛丑次儀真

壬寅漁于江口次瓜州

癸卯登金山至鎮江幸大學士楊一清第飲宴製詩

十章賜之

令和先後  
凡五幸

又幸己故大學士靳貴第

庚戌發鎮江。癸丑至楊州

九月乙卯朔

丁巳

撫按設宴慶功

庚申

上至寶應復漁于汜光湖

禁知府蔣瑤以  
從至臨清放還

辛酉至淮安 過山陽縣學入焉

丙寅至清江浦漁積水池舟覆而溺掖起 上體

始不豫 畿南水災免稅 嚴捕盜之禁 戊寅壽

節 上至臨清 戶部官一員歲理甘肅糧餉 查

京衛放糧文冊 十月乙酉朔 庚戌 上至通州

兵部尚書王瓊來迎并召戶部尚書楊潭 十一月

乙卯朔 執吏部尚書陸完赴行在 諭斬有死  
戊福建 太

監蕭敬李英閒住 陞金獻民叢蘭南刑工尚書 太

李承勛姚鏌毛垵副都撫遼東延綏操江湖世寧會

都撫四川

程事改  
鄧陽

蓋召內閣府部勲戚大臣赴行在

每衙門止留  
佐二官一人

已卯

大學士楊廷和毛紀入見始下江西捷奏

禮部

上獻俘禮儀

有不  
果行

海外佛狼機始入貢

已奉  
制加國

十二月乙酉朔

御史葉忠上疏極諫不問

設

九江安慶副總兵已丑賜宸濠死焚其屍

甲午上還京

丁酉郊

補今春省初祭  
什地扶路齋宮禮不克終

踰宿人城御殿行慶成禮免宴

壬寅立春上不

視朝太監尹輔往饒州燒造

壬子上力疾視

朝手勅改兵部尚書王瓊於吏部

正德十六年辛巳正月甲寅朔 上視朝如常儀 永

平府星變 免鳳陽徐州等處糧稅 陞石埭禮部

尚書掌詹事府改南吏部劉春于禮部掌誥勅 王

憲爲兵部尚書尋兼團營 癸亥 上不豫改卜郊

用庚寅 兩廣上新會新寧等縣之捷 陞廖紀南

吏部尚書 南禮部尚書邵寶終養 加應天巡撫

李充嗣工部尚書管水利 二月甲申朔 上以疾

不視朝 捕諸妖人段張劉天錫 致仕尚書石玠

卒 虜入陝西 廣西古田縣蠻賊平 陝西盜起

三月癸丑朔日食 上不豫 廣東清遠四會二

縣盜復起 四賊流劫山陝河南 改西官廳爲威

武團練營 畿內盜起 四川流賊平

丙寅 上崩於豹房 遺旨取興王長子入承大統

明日遣定國徐光祚等至安陸奉迎 選各營官軍

防守九門、散豹房威武團練營各官軍皇店軍門

辦事官旗番各色人俱放遣之 楊廷和皆以 戊辰

頒遣詔 皇太后懿旨擒江彬等下獄 還南京所

載庫貯內簿圖書文冊 發京兵三千護接嗣

天子 九月葬 康陵

臣鄭曉曰 帝英武剛斷豁達雖屢巡遊而臣民無

恐兵革時起而賦役不煩狎美佞幸而果于用法不相假借大漸之際爲天下得人竟開太平之治也

臣雷禮曰臣輯我明大政至正德間時事未始不嘆多難迭臻固天所以開世宗之中興也自閹宦谷大用八人豔上燕遊加以逆瑾乘隙竊柄竄逐元老桎梏臣工杜塞言路取祖宗紀綱法度一切變更賄差閹黨於兩京十三省操利權威判三司剝削生靈不可盈厭而又置腹心於吏兵聽其指授進退文武官利門太開民不聊生故寘鐫以誅瑾反而流賊遍及於兩畿山東河南四川江西倖難撲滅皆



瑾輩胎禍之大也及瑾伏誅而閹宦又熾上召遣  
將江彬輩入衛號義子與上同臥起賜國姓屢遣  
上出官遊戲近郊宜大關陝無不巡幸中外皆切隱  
憂以致宸濠妄規天意舉兵指斥乘輿豈無從中通  
之乎及都御史王守仁平濠亂已奏捷矣而張忠江  
彬輩又熾上南征欲誣守仁併執爲功使非張永  
申揅不將爲逆濠報警乎是正德十四年中驕帥跋  
扈不恭劇盜縱橫日熾強藩稱亂相望皆閹豎竊政  
致之也幸天啓世宗撥亂反正盡洗正德敝政與  
天下更始而又獨秉乾斷革天下鎮守閹宦使不

得搖吻于民蓋心 太祖之心自正統以來而一見者也非萬世而下所當謹守不變者哉

臣何喬遠曰我 明傳序於 帝九世 英宗而上皆嘗經武遇亂至于 憲 孝二宗文教熙洽息馬投戈惟 帝畱意戎事慨然有肅清海宇鞭笞夷虜之志郊畿之外復見旄頭虎豹之關清塵馬跡夫七萃之士頻從三洲之詩已奏而輔翼謀議之臣不懈於內奔走禦侮之佐修力於外良民則俛首供饌餉無怨咨節士則捐軀赴難無顧悔雖列聖功德之在天下亦由季託得人紀綱不紊無忌酷之政以傷民

心者矣是以能保 祖宗基業以遺之 後皇歟

補遺

十一年二月刑部侍郎張綸勘代府互訕事還隲處  
宗室選舉及祿米折銀二事下部議行 四月江西  
巡撫孫燧定均徭則例 五月山東巡撫黃瓚乞停  
臨清鎮守太監不從 七月河南巡撫李充嗣劾太  
監廖堂

十二年二月江西舊都憲行臺隘甚居者輒病巡撫  
暫居青戎察院孫燧至仍之及是御史范恪差江西

當讓還藩臬議別建燧曰有正人無邪地際此民窮財匱可爲創造新衙門乎仍舊貫加葺之可也因移後寢向前數尺檻下故溝淤沙中得一古鏡背刻篆字二十有八有昭明光運忠扶日月等語

十三年三月南御史林有年逮獄

諫取活佛

四月南直

隸巡按楊必進上保障議 五月立浙江鎮守太監王堂生祠賜額給護勅

十四年三月黔國公沐昆卒

十五年六月陝西巡按潘倣上哈密事宜 十二月

以獻俘勅獎江彬 發太監于經內書館約束女直

都指揮僉事速黑忒進一小熊納之

存疑

馬文升素與劉大夏不協文升許進劉宇皆河南人  
在弘治時文升嘗薦進提督團營宇總制宣大大夏  
見先帝因言宇之過宇幾不免戶部侍郎王儼兵  
部侍郎熊繡皆湖廣人儼與大夏結姻繡以廉著文  
升欲抑儼等引進劉宇會兩廣缺總督文升薦繡補  
之繡不樂請吏部辭勿許憾之與李東陽謀去文升  
以大夏代其任至是乃諷同鄉御史何天衢屢疏論

之文升遂力求致仕章跪前後至二十一上乃允  
前語必焦芳所造當時馬劉閔諸公同心輔政芳由  
詞林謫外乞恩再起得爲吏部侍郎其耽耽于諸公  
非一日矣何天衢劾去馬文升代者非劉大夏卽閔  
珪又嗾人尼之芳乃得拱手取其位本末昭然而又  
設不協之語實以許熊蓋皆兩公鄉人可引而證者  
前朝內外均勞自常事熊何以不樂許在弘治初已  
爲巡撫威名甚盛久之督團營薦豈私心牽合若出  
有因點綴殊非實事芳之奸詭于此尤甚纔人罔極  
交亂四國正此之謂然劫運方始劉瑾得志馬劉閔

一清李夢陽逮而得釋瑾尚未敢顯僂大臣何至于此焦芳遇派冠走免束衣冠于廷樹斬之曰吾恨不手誅此賊乃其縣祀之鄉賢有王帖雲太司馬送祀文可攷似又未必爲惡于鄉也

考縉之陞在文升去位之後

南京兵部尚書林瀚給事中牧相論南京御用監牧馬騾九千疋役軍四千名費芻粟鉅萬南自遷都後自正統七年以前諸內監或有存者其後止設守備則各監之革可知傳至正德初凡六十餘年安得有御馬監牧至九千餘匹耶

劉瑾既誅大學士曹元吏書張綵戶尚書劉璣兵部  
侍郎陳震南禮部尚書朱恩都御史魏訥楊武劉聰  
徐以貞修撰康海侍讀焦黃中編修劉仁大理少卿  
董恬南大常少卿劉介司務孫聰都給事李憲捕盜  
御史薛鳳鳴員外改御史朱衮僉事白思誠叅議王  
欽叅政楊儀知府莊繹柯英楊孟瑛吏部郎中王九  
思王納誨被劾分別罷職降級致仕

當時處分者決不止此武官內臣尤多特存之志梗  
概耳卽如魏璫逆案凡數百人亦有未盡者今豈能  
由百年後追論而逆案中亦有悞入如董尚書可威



註云在工一味恭謹猶幸見機早去逆乎非乎最初擬議時余與徐司空良彥亦被忌者牽入秉筆者自言始知之呂純如辯駁謂從無歸美語評品之難如此竊謂逆人秉權欲使舉朝卷旃亦無是理方瑾盛時不但李長沙實多救正康武功得行其說卽張綏亦有彌縫處長沙得免武功終廢張綏刳屍可見前諸人亦未必盡是定論也

七年七月內旨立監鎔下廷臣議尚書傅珪執不可忤旨致仕命太監陸閭監鎔出征

監鎔名色見于成化中非至此始創特擅權干軍政

耳珪以八年六月致仕則二陸平賊已年餘矣

抄沒之數劉瑾金二十四萬錠又五萬七千八百兩  
銀元寶五百萬錠又一百五十八萬三千六百兩寶  
石金甲蟒衣袞龍袍金龍盔甲玉印玉琴玉帶數多  
皆籍內帑江彬金七十櫃每櫃一千五百兩銀二千  
二百櫃每櫃二千兩金銀首飾五百一十箱金銀湯  
鍋四百箇餘物不可勝數籍錢寧亦如之

以上江彬猶可數計至逆瑾元寶五百萬錠則數所  
不能窮矣此皆小說中甚而張之詞殊不足信惟  
嘉靖末年抄嚴氏之數是實

上在南京幸牛首山夜宿禁衛兵中夜大譟或曰江彬爲逆不果或曰彬懼乃奉駕還  
焦弱侯曰實一僧夜魔而呼衆聞驚起余父實親見之初無他也

上性本睿智臨朝糾奏或罪或釋數語剖決作詩揮筆立就初在青宮敬皇嘗引之夜出間行至六科廊大聲問何所敬皇曰無譚此六科所居太子言六科非臣平何畏也曰祖宗設六科糾君德闕違脫有聞疏立至矣

六科廊前在午門內之西嘉靖殿災移端門外敬

皇嚴重守禮法  
伎開宮門引太子至六科廊是道之  
微行也萬無是  
此必小人偽傳人不察而書之臨

朝數語自有定式  
武宗之詩見于幸楊一清宅揮

筆立就有之天賦聰明固自不群尤工詞曲普召能

者楊南山應命可見或謂南山之薦由徐霖非臧賢

謂南山重霖霖足重南山乎

霖字子仁南京人皆稱  
霖翁善丹青樂府築快

園

武宗幸其家釣魚于園池得一金魚宦官高價

爭買之武宗取笑而已又失足落池中衣服盡濕

固有宸幸

堂浴龍池

迎立已定吏部尚書王瓊排掖門入厲聲曰此豈小

事而我九卿之長顧不得預聞耶眾不答瓊意乃沮

退去

迎立大事既遣國公鮒馬閣臣禮部尚書而進發在  
兵部資送在戶部車仗在工部都察院實總其事則  
皆與聞可知又兩太監領 皇太后懿旨日宮中捧  
金符以出必文武列班全副鹵簿告 太廟而後發  
六卿之長乃不得與聞空晉溪之憤憤因新都與晉  
溪不合故置之若遺下獄之禍已萌于此新都亦似  
慎而失體 國朝人才多犯此病雖品格崢嶸發揮  
事業而寮案中時有齟齬由各部互相頡頏閣與部  
不相統攝易生水火 太祖 文皇分其柄正以各

盡其長其它抵觸傾危止及其身無損國家大計也  
吁規模宏遠矣

起費宏少保戶部尚書仍直文淵閣

事在世宗立後之四日爲四月二十六日非正月  
且太子太保非少保也

大學士楊廷和毛紀會太監張永密請 皇太后懿  
旨誅江彬籍其家

當時副相爲梁儲蔣冕彬之擒廷和與魏霖言而上  
疏張永與聞有之非會而密上新君未至彬錮于

獄 世宗旣至六月八日行刑非擒而卽誅也

皇明大政記卷之二十一

皇明大政記卷之二十五

少師建極殿大學士臣朱國禎謹輯

大明世宗欽天履道英毅聖神宣文廣武洪仁大孝肅  
皇帝

正德二年八月初十日辛巳

上生于興邸

御諱厚

忽火

興王嫡子

憲宗純皇帝

孫也

憲宗十四皇子長

孝宗敬皇帝次

興王

次

岐益衡雍壽汝涇榮凡九王弘治七年甲寅九

月興王開藩安陸州

妃蔣氏生

上于邸生時紅

光燭天其月黃河清三百里者三日慶雲見軫翼楚



分也 上穎敏 王口授經書靡不領畧稍長通孝  
經大義進止疑重虔秉禮度正德十四年己卯 興  
王薨謚曰獻 上受勅理國事十六年辛巳三月十  
四日丙寅 武皇 崩遺詔奉迎四月二十二日癸  
卯

上卽皇帝位改明年爲嘉靖元年頒詔大赦初 大行  
賓天遺詔遵兄終弟及之訓迎 上卽位次日丁卯  
遣定國公徐光祚壽寧侯張鶴齡駙馬崔元大學士  
梁儲禮部尚書毛澄太監谷大用等齎金符往迎戊  
寅至安陸 上受符朝群臣 四月壬午朔辭 闕

陵伏地慟哭掖起癸未辭 母妃泣而受教行命從  
官駱安等約束藩衛官較所過務崇省儉壬寅至良  
鄉癸卯至京城外禮部具儀由東安門入宿文華殿  
如皇太子卽位禮

郎中俞才定員外郎楊應奎上之

上覽謂長史

表宗臯曰遺詔以吾嗣皇帝位非皇子也此狀云何  
大學士楊廷和再請不允于是 皇太后懿旨命卽  
日上箋勸進從行殿三受箋由大明門入 謁 几  
筵朝 太后見 皇后出御殿卽位改元日正中久  
旱霖雨忽霽萬象咸新頒詔大赦甲辰部上儀註給  
事中齊之鸞言請先定聖志以廣賢路勿姑息墮小

人之計批出大臣已許自陳無功封拜之人部令自  
劾內外引誘疊惑奸黨著科道查叅各衙門弊政俱  
遵詔旨改正 虜牧近邊發宜府貯銀二十萬半給  
折色半收本色 乙巳御史王鈞劾太監魏霽等及  
文武大臣得 旨魏霽已有處分張忠干經蘇綰發  
孝陵衛充軍劉祥提問 以上著內監 都御史審杲文貴閑  
住總兵柳湯朱振查議 義子朱泰等准辭爵復姓  
丙午諭閣臣迎 母妃以太監秦文等往 六月再遣迎 召  
大學士費宏復其弟案官編修 錄王守仁贛州功  
蔭子正憲錦衣副千戶 副都劉逵被劾奪職 清

江西軍功

朱泰等  
獲月

大臣會疏勸講任賢斥邪有詔

褒答

以逆人寧彬家資酌量濟邊代民賦

釋都

督邵永于獄

尋命鎮  
守遼東

戊申

上御西角門視事

諭上大行皇帝尊謚及興

獻王主祀封號

以自陳戶兵尚書楊潭王憲左都

陳金王璟工書李鏊侍郎劉永副都毛埏伍符皆致

仕執許泰下獄谷大用降奉御

孝陵司香

餘送  
都察

院鞠  
治

魏霧張永閑住

弟廷義子冒濫者  
並依詔書查革

贈前太

監王岳范亨官廕姪弟錦衣百戶世襲

科道會劾

大臣下吏部尚書王瓊副都劉達于獄逮甯果至京

禮侍顧清張昱刑侍胡韶掌太常尚書劉愷工侍劉永馮蘭兵侍馮清都御史馬昊蕭狝陳璘皆奪官

王瓊疏訐楊廷和以撻拾妄奏切責之罷湖廣鎮

監李鑑應為至襄陽筆屏太守吳華立宋丞相陸秀夫祠于鎮

江復前左都御史彭澤官錄用副都范鏞等王

所給事中顧濟疏守法納諫從之禮部左侍郎

王讚議禮被劾改南土貢士張聰之說尋罷辛亥立洪武中

都督馬雲葉旺祠于遼東起故寧府興寶閣順等

五月壬子朔日精門災增京城巡捕官軍以桂勇提

督舊制三千六百餘員名巡邏京城內外南至海口于北至若庸關西過處清橋北抵通州無專領者

生是多盜于是增為四千名以勇統之號令一新盜賊屏息

武定侯郭勛惠安

伯張偉督團營

贈金吾指揮僉事張英官賜祭

諫

遇杖責歿于戍所

御史周宣劾副使李夢陽侍郎韓福舉

大學士謝遷等

夢陽逮下獄

築居庸關西路威遠常峪

二城改鑄土官信符金牌海夷勘合

陞南禮部

侍郎章懋為南禮部尚書仍致仕令有司存問

時年八十

四勅王守仁赴京

錄先朝忠諫諸臣死者贈葬加蔭餘皆錄用

兵部員外郎陸震人

常寺少卿工部主事何道刑部主事劉較俱尚寶司卿刑部照磨劉珏刑部主事大理評事林公龍行人司副余廷瑛俱太常寺丞行人詹執劉概孟陽李紹賢李惠俱御史各賜祭蔭一子送監讀書近故行人

王翰亦贈御史賜祭原任修撰舒芬郎中黃鞏孫鳳  
陸傳張衍瑞妻龍員外郎夏良勝主事萬潮林大略  
壽山卿大理寺副周敏寺正金壘許事郭五常孟廷  
柯郝鳳昇張士鎬傳尚文蔡時姚汝臯太常博士陳  
九川行人陶滋巴思明李錫顧可久鄧顯麒王國用  
熊榮楊泰王懋李儼潘銳劉翥張岳各復原職廢吉  
士江輝馬汝驥王廷陳正應軫曹嘉先以抗疏奪休  
會同臣送驛等吏部授職釋汝驥擬授編修廷陳應  
軫俱給事中曹嘉御史傳吉輝等出位妄言俱外補  
至是吏部奉詔具疏以請上從之死者有卹生者  
並復原職錄用獨廷陳在外任以他事卹諸侯赴部別議

鳳陽密雲守備一遵舊制奪其符驗旗牌革河

間總兵改松潘總兵仍爲分守詔四衛勇士歸

原營操練淄川流賊李琪平緩徵逋負召還各

省催徵主事促袁宗臯赴任宗臯以典府長史陞吏部右侍郎兼學士

病未任從之併錄審理正高嵩等官有差  
以後加錄者十餘次自請者皆待旨與之  
開大理

府礦場 禁岷遼二府別食民較 補築黃陵岡近

河三掃添築外堤總河龔弘之奏 改石瑤吏部尚書 革

應州冒濫軍功 勅遣存問大學士劉健復其孫原

蔭官 賜尚書傅珪諡文毅

再錄用遺棄諸臣副都御史李昆大理少卿吳堂編修謝至王恩都給事中呂經潘瑄王壻

石天柱給事中陳鼎王昂張原徐文溥黃臣席彖御

史李熙王蕃薄彥徵劉寓生李翰臣余曠施儒高公

詔周廣李德徐文華林有年許完張士隆董相劉希

龍大理評事沈光大司務林華副使胡文璧余祐陳

九時僉事韓邦奇知府翟唐毛 大學士梁儲致仕

思義知州樊準吳棟知縣周秀 上以事體重大令再議

禮部會擬興獻王典禮



席書鄭岳巡撫湖廣江西 鳳陽饑民爲盜督漕  
都御史臧鳳專巡撫以僉都許庭光督漕事 復前  
南昌知府鄭獻官

已未上大行皇帝尊謚 廟號武宗 庚申大賚勲戚  
文武軍民 詔島夷來貢必驗符信及貢期餘並拒  
還之 編修孫承恩上端本始十一事各有箴 上  
覽疏優答 復山海關主事取回內臣 戶部主事  
劉璋上十四事下所司 詔京城內外非營軍邏卒  
不得挾弓矢 晉袁宗臯禮部尚書文淵閣大學士  
戶部尚書石玠卒 魏公徐鵬舉奉祀 孝陵

召還內官冊朝鮮者

正德末遣索異物及童男女

恤前獄死舉

人冀元亨

燬錢寧私籍

加南兵書喬宇太子太

保起彭澤兵部尚書林俊工部尚書復戶部尚書

孫交職尋起用

賁勅徵之馳驛至京

起致仕按察使劉麟大

僕寺卿

僉都許銘撫甘肅

起李昆撫順天

輯

諸臣章疏有關化理者成帙備覽

給事中鄭自璧之奏

丙寅

策貢士張治等三百三十人

賜楊惟聰以下及第

出身有差

主考侍郎石瑄學士李廷相得廖道南江汝璧童承敘黃佐趙廷瑞劉梟何棟張治

方鉉張寰朱執張泰張聰潘鑑潘潢孫應奎李默楊麒丁汝夔楊言端廷故問煦魏有本

暑月

停各營軍操惟奮武十二營每五日三千神機營每

十日一操 起張頂右都總兩廣 陞平陽府同知

張衍瑞太常少卿 降太監張永爲奉御 孝陵司

香 壬申錢寧伏誅 革蘇松及通州漕運叅將

御史盧瓊江淵乞罷各鎮守內臣報聞 查宣大糧

餉 再議興獻王典禮 總兵楊宏鎮淮安督漕

前五官監候楊源夏祚及諸諫臣下部詳看優處 祭

前錦衣指揮牟斌韋璽 丁丑改進士廖道南等二

十四人爲庶吉士 追奪內臣兄弟封伯者 盜平

漕運都御史仍兼巡撫許庭光回籍 發豹房等處

及籍沒銀兩給官軍俸折 營建山陵 咸寧侯仇

弑卒 令自後籍沒家貲悉送太倉貯用 畿內皇

莊係投獻者給本土徵稅 邊儲召商上納 賜禮

部尚書張昇謚文僖

六月辛巳朔 大學士楊廷和疏請崇聖學開經筵有

旨褒答 節各衙門倉庫冗役冗費 四川松潘熟

番作亂討平之 起陶琰督漕 勅賞邊軍用抄沒銀兩

優折湖州府田糧 正米四石折銀一兩前已通行後復減米其則反重至是太守

與天和奏上仍優折如前共十七萬石 陝西賊田廸等作亂討平之

掌詹事尚書劉春卒 釋南京中府經歷楊美璜

獄復職 江彬索門鎗不與坐罪 策汜光湖椿柵并修舊堤

復設霸州兵備 戊子江彬伏誅其子勲杰鰲熙并

其黨神周李琮皆斬 清黃冊歸并實數 勘畿內

御馬草場歸其占奪者內監不許干預 發內庫銀

優給宣大二鎮 兵部左侍郎楊廷儀罷 申明詐

冒名目及包攬錢糧禁例 欽天監博士朱裕以曆

法漸差乞增損修改章下禮部 南大理評事林希

元論君道急務六事

進士周祚善其疏請加詳覽上納之

乙未縱

內苑所蓄禽獸仍禁進獻 審錄罪囚釋宸濠寧彬

註誤者二百四十餘人 補江西已卯鄉試原額

治太監廖堂餘黨 四川天全叛夷平 丁酉華錦

衣衛冒濫旗較三萬餘人 發內帑三十萬于陝西

三鎮 戊戌勅江西巡撫鄭岳賑被災地方 命司

禮監簡汰鎮守內臣更代御史楊銓極言其害章下所司 裁革南

京內府各監局官員 己亥誅宸濠逆黨二十六人

申嚴四夷館舊例不許私出館外勒期還 辛丑改南刑部

尚書金獻民爲左都御史 壬寅革正德間傳陞官

一百二十七員 南戶書鄧璋致仕 肅清先朝內

外遺姦在內爲金剛老在外爲總大管家俱克淨軍 贈孫燧禮部尚書

謚忠烈許逵副都御史謚忠節立祠南昌府各蔭子

錦衣百戶世襲尋加正千戶 再鞫陸完王瓊之獄

以事涉  
陵昧

江西按察使伍文定奏太監張忠等罪下

看議 京東盜劫霸州等處 禁廣東珠池內官干

與民事 廣東巡按兼管鹽法 發騰驤等四衛官

舍各回原衛 北通州知州劉釋乞罷皇莊及皇親

功臣田土以戶部主事督收和稅下所司議聞 革

僧道教坊傳陞官三百五十餘員 回夷于永死于

獄仍梟示籍沒

入豹易引  
誘蠱惑者

已酉停陝西織造叛服

革真定等府抽印木稅內臣 南北直隸福建山

東西河南陝西大旱 七月庚戌朔享 太廟 議

寧府宗室黨逆梟

革鍾觀等十三人爵為庶人發高  
棣在城將軍革祿三之一書諭諸

王

議江西藩臬附賊罪

左叅政王綸孫死會事濟鵬師變季敬新餘戍移邊

勅存問大學士謝遷戶部尚書韓文復戶部侍

郎王儼官

都御史范鏞賜祭

尋謚恭惠

餘起用查實從

優贈卹倉場尚書侯觀致仕

陸鄭仁代

進士張璉上

大禮疏下所司議聞申嚴奪情之例遼東大雨

水起方良永副都撫鄭陽尋予終養蔣昇南戶

部尚書趙鑑南刑部尚書孝節八人南給事中

樂護工部主事華湘以精天文俱陞光祿少卿管欽

天監事虜小王子寇莊浪指揮劉爵戰却之覆

訊太監張銳等罪恤前禮部員外馮經之家

諫武宗



被杖病  
沒于貧

添京營把總指揮二員 悉給還占奪民

田 祀前太保尚書黃福于其鄉昌邑 罷杭州抽

分內臣 嚴皇城門禁 革太監總兵官隨征書辦

等職

御史胡  
袞之奏

禁東廠受民詞參與外事

甲子 上御文華殿召閣臣以御批示禮部會議興獻

王稱號大學士楊廷和疏諫留中 吏部尚書石瑄

回詹事府 陞四川巡撫胡世寧吏部侍郎江西巡

撫鄭岳大理寺卿 陝西提學何景明致仕 發庫

貯逆賊給官軍一歲俸糧及兵部馬價 漕金水玉

河及京城九門濠塹 毀西市鎮國府及宣府行殿

右都張綸致仕 免大同死馬買補 杖御馬監

丞何澤降 孝陵司香 應詔 陳言 勅諭南京守備及各

鎮撫仍以次頒賞 覆治宸濠逆黨 辛未召南兵

部尚書喬宇為吏部尚書 科道查視太倉庫 御

史熊相獻十箴 京師久雨米貴發倉糧五十萬石

平糴 黜取佛大監劉允治其黨 優卹百戶周琪

夜不收王有成家 發江彬通 謀陷死 遊擊李興等逮問 彬

黨 陝西回賊陳克巳等平 流刺麻禪師領占剌

巴等二十七人于遠方 虜寇莊浪洮岷等處

革京衛各廠局新設旗較十四萬八千七百餘人

正德 間安

化謀逆仇鐵平之太監張永攘為已功既而谷大用  
馬永成陸岡魏彬等實緣奏帝其弟姪張富張容谷  
大寬谷大亮馬山陸永魏英等俱封伯其錄授都督  
都指揮者尤衆上初卽位卽詔查革諸員濫款  
分一十有三一曰傳陞二曰乞陞三曰例外奏帶四  
曰報效五曰一人數處報功六曰一時數處報功七  
曰并功八曰冒籍九曰各邊不曾截斬巧立名目  
曰兵部擬實奉旨陞級十一曰緝捕妖言奸細一處  
陞級十二曰大同應州月濫功次十三曰納賄加陞  
命給事中夏言御史鄭本公兵部主事汪文盛覈之  
言等奉命會覈錦衣等所應革者二千一百七十九  
員名簿錄奏上因言王德問軍功之濫其弊有三奏  
帝之數太多紀驗之次失實武選之法盡壞如鎮守  
官奏帶例空五名今至三四百人往往安居京師寄  
名邊墩有一人而數處奏名一時而數方獲功者其  
不在精誠之例又巧為名目曰運送神給曰齋執旗  
碑曰倒銓陷敵曰軍前勦勞曰三次當先紀驗無審  
覈之公銓序無駁勘之實其改正重陞并功加授之  
類不可枚舉俱當陞正以絕弊源事下兵部尚書彭  
澤先後覆奏從之先是錦衣衛額設指揮使一同知

二僉事三鎮撫二所千百戶各有定員自正統後貴  
苑尚主公侯中貴子非當長官者俱寄祿衛中以材  
諸選用遞進用事正德間諸貴倖子弟以奏帶傳奏  
旨衛者不下數百人他衛稱是至是指揮而下次什  
之八旗較汰什之五歲省度支數  
十萬計著爲典勿得貪穢再進

改建孔氏衢州

家廟以裔孫孔承美爲博士奉祀 行人鄧繼曾以

久雨上疏嘉納之 加贈前太傅馬文升左柱國太

師

從其孫天  
祐之請

陞王守仁南京兵部尚書叅贊機務

以儀真皇鹽及南京逆犯田宅沒入者給南京官

俸 寧津盜起德平知縣龔諒死之 復御史曹嘉

原職 申禁佛狼機貢使海外來朝者抽分如故

誅妖僧齊瑞竹籍沒廢玄明等宮寺 八月庚辰朔

禮部上典獻王典禮仍令再議又請考 孝廟母

慈壽皇太后報聞

辛巳御經筵 詳覆正德以前傳陞乞陞官各匠役員

濫者 議出使朝鮮改用文臣 御史唐龍薦用劉

淮淮以給事中劾劉瑾被杖為萬壽節以 高皇

后忌辰先一日行禮二年同月先是祭後受朝賀 停刑一年

禁山海廣寧遼陽內臣抽分 有司存問終養尚書

邵竇之母 固原地震 乙未戶部侍郎秦金等奏

皇莊之害查勘額外者給主管庄人撤回 編修孫

承恩進修德應天賦留覽 許王守仁歸省有司存

問其父 陞南禮部侍郎楊廉爲本部尚書 定白  
糧輸內庫者每石加耗一斗不得多收 李充嗣兼  
左副都仍巡撫應天等處兼修水利添協理郎中二  
員 詔諭朝鮮安南 李充嗣以歲荒乞免應天正  
德以來加耗十三萬餘石從之

戊申祧 仁祖淳皇帝神主 九月巳酉朔廣西猺獞

平勘實錄功 逮守備太監高崇等

侵害軍民致虜寇偷林失事

疏直沽東北新河 祭前大理少卿周東優給其

家 山東流賊平 發官店銀山西鹽銀補給代府

宗祿 大學士袁宗臯卒 兵部尚書彭澤請編寫

各司建白政務并馬政事空允行 母妃將至 御

批用母后儀駕大明中門入 遼東巡撫李承勛條

陳邊弊一聞視大煩之弊一起解降 工部請革加

派柴炭照弘治例從之 逮高唐州判官金城以欺

官黃錦尋以救免其 修延綏三仙堡定邊營等處

連及者五百餘人 邊牆 江西閩廣流賊平

庚午葬 武宗皇帝于康陵 宥薊州總兵馬永罪前

江彬挾以賄入京 勅各守臣精練卒伍地方 癸

事發策勵俱職 酉母妃至通州 諭內閣詳議大禮委曲折衷為朕

孝禮部集議以上命再叅酌 贈興府長史孫景

明太子少保尚書大學士賜諡 御史喻漢陳軍政

六事 御史黎貫乞復國初起居注之制下所司

廣東封川賊平 查革各衛旗較三千一百餘人冒  
功者追奪

十月巳卯朔享 太廟奉 教皇帝祔享 諭禮部與

獻王稱帝興獻妃稱后 憲廟貴妃邵氏稱皇太后

壬午

興獻后至京

上候迎午門內入見奉先恭慈二殿

宥張銳

許泰死發戍廣東 添設宣府中路叅將二員 復

設廣西府江兵備 御史樊繼祖清查皇莊田土還

其侵占

兵部主事霍韜上言大禮

時楚王榮漢襄府棗陽王祐把



巡檢房瀆俱有疏

兵部侍郎吳廷舉自劾求去大學士蔣

冕以廷舉疏侵求罷皆不允 癸卯免經筵日講以

明年二月行 甲辰改吳廷舉于南工部 停寧獻

王以下祭告 丙午費宏至京原官入閣辦事加少

保 贈前進士陸伸大理評事 劉瑾罰跪下獄死者

十一月巳酉朔勅修 武宗實錄 發賑江西 四川

邛州盜起 殺主簿齊教父子三人 添設芒部軍民府長官司

一巡檢司四 以土官為之 召用原任沛縣知縣胡守約

中官陷達視職者 大發金修遼東邊垣 御史樊繼祖疏

四漸 勤聖學信大臣廣聽納明賞罰漸不及始 修南和縣唐宰相宋璟

祠致祭

敘江西功封王守仁新建伯

仍南京兵部尚書廣祿

千石世襲尚書喬宇加少保應天巡撫李克嗣太子太保餘各進秩

贈修撰羅倫左諭德賜諡文毅

御史唐龍之請

虜犯大同

四川巡撫馬昊逮至京下獄

選大通事二員禮兵

部會考

四川都司何卿駐永寧備寇

己巳宥王

瓊死發戍莊浪

後以年老改殺德備

貴州香爐山賊平

發

正德留中疏于史館

凡八百六十餘本

更定征蠻賞格

辛未立太公廟于青州

改副都伍文定于操江

張璁疏進大禮或問詔下議之

賜前南工書陳清

祭塋

逆瑾所罷

甲戌乾清宮成

上自文華殿入居之

罷廣西香貢

逆番寫亦虎仙伏誅

哈密奸人因緣錢寧入貢

十二月己卯朔

革南京錦衣乞陞官廖銳等三

十七員

停南京貢梨入北

御史何棟下獄

簡募丞是

候侍班

復差清軍御史

雲南十八寨夷賊伏誅設

千戶所

戊子存問前大學士王鏊楊一清

贈千

戶周麒官優給母妻

彬侍武皇奕棋不避賊叱之陷死

兩京武學

如舊例六年會舉送各邊鎮贊畫

議加

興獻帝

后皇稱內閣部科等官皆力爭諭勉順旨施行

復

行人王懋原官

以諫南幸請學正

戶部尚書孫交請讀

皇明祖訓嘉納之

定捕盜賞格

誅錢寧奸黨

胡世寧上松潘事宜 兵部尚書彭澤奏止差易內

官允之 行人存問致仕南尚書章懋 給事中劉

祥撫諭遼東諸夷 贈前東丘郡侯花雲妻邵氏貞

烈夫人侍婢孫氏安人立祠遼東致祭

其五世孫遼東復州衛指揮

揮食事時請之

乙亥 慈壽皇太后誥諭選淑女大婚 發出宮中光

祿寺供用器皿 張璠南刑部主事 南京督儲侍

郎兼督各京衛屯政 湖廣巡撫席書奏薦楊一清

嘉靖元年壬午正月巳酉朔 上御殿受賀 給事中

熊浹上言大禮陞僉事 嚴宣府近開礦洞之禁

定南京馬快船數

每起不過三隻

廣西蠻寇切責總兵朱

麒等下兵部

定軍功應存應革奏請三項

李承勛之奏

侍郎李瓚兼僉都治河

己未郊

清寧宮後三

小室災

楊廷和等因疏諫皇稱報以一慈壽皇太后懿旨然不便再催定考

慈壽皇

庚

申免慶成宴

裁革南錦衣旗較二百六十人

侍

郎李鉞兼僉都總陝西三邊

下管糧郎中便宜糴

穀實邊

定軍餉本折之例

上林苑內臣有缺不

補 收養京師窮民

霍韜晉三劄報聞

甘肅總

兵李隆殺巡撫許銘按察使陳九疇僉都代

辛未

添設遼東寧海道叅議一員

定選補各國通事之

法 寬遼東馬價 丙子減內府歲貢鹽課之數

二月戊寅朔 南左都陳玉致仕陞崔文奎代 詳

定朝參禮儀 馬平盜起討平之 丙戌白虹亘天

己丑廷臣分祭 祖陵等陵嶽鎮海濱歷代帝王

先帥孔子徐楊等王太嶽之神戶部官祭京都太倉

之神順天府祭宋丞相文天祥 虜犯遼東 有窺

果死發戍雷州衛 議處宜大糧餉 時歲饑糧乏幾變 內

臣往真定印烙木植 以前抽分者事畢仰同 丁酉改南兵部

侍郎何孟春于吏部 勅吏部加意考察 人才難得凡貪婪顯

著者不必一一舉劾明 陝西大疫 祭前順天府

丞周璽

件逆瑾杖死

停各處巡撫官人京議事惟漕運

總兵叅將仍舊

宣大有警則侍郎臧鳳兼僉都督

軍 河南盜流入陝西

參議陳鼎平之

三月戊申朔諭內

閣與獻帝冊文朕宜稱孝子

女直都督貢小豹子

却之

再錄先朝被害諸臣

給事中戴鏡僉事張輝主事曹琥長史王用才

章

革巡江錦衣官較

甲寅幸太學

祭酒趙永講帝曰俞允若

茲一章司業吳惠講時乘六龍一章

己卯通事王臣上言海西夷人

情弊

一切責都督速黑忒一查夷人初書實名一催繳襲陞事例一查宴賞給賜濫惡

嚴

覈邊鎮糧草

耕藉田

去教坊雜戲

丁巳上

昭聖慈壽皇太后

莊肅皇后尊號

戊午

上 壽安皇太后 興國太后尊號 查京營上操

官軍 壬戌頒詔覃恩 添漕運把總三員 癸亥

禁京城造酒淮安造麴 山東礦寇王堂劫掠 商

洛妖賊馬隆伏誅 南工書叢蘭致仕 廣西賊流

劫桂林陽朔等處 乙丑定大名兵備爲副使 嚴

革倉糧科取分例銀 丁卯復設雲南寧州流官知

州 戊辰遣官詣安陸上 興獻帝尊號 成國朱輔

往武學生朱大周論死 交通錢寧捷選法廷楊一清 郭勛提

督團營 翊戴功加大學士楊廷和蔣冕毛紀伯爵

費宏蔭錦衣指揮使皆世襲壽寧侯張鶴齡加太師



建昌侯張延齡加太傅駙馬都尉崔元封侯禮部尚書毛澄太子太傅蔭錦衣指揮同知世襲內臣加祿米蔭弟侄藩邸舊臣及朝臣俱大賚并封皇親邵喜蔣翰伯爵廷和等力辭改蔭錦衣又辭改文蔭不拜

五月崔元

封京山侯邵喜昌化伯蔣翰王川伯

復設九江兵備副使移守

備駐安慶

禁額外貢獻

京營提督郭勛請添勅

書用軍興法斬罪不許

治馬昊等先朝獻女之罪

禁渾河等處內臣抽分

西海虜併洮河諸夷

四月丁丑朔

改召用工部尚書林俊于刑部

贈給

事中席篆光祿少卿與祭

汰京衛軍四千餘人

立賴國公傅友德宣德侯金朝興汝南侯梅思祖廟

于雲南額日報功 申禁珠池內官干涉民事 公

侯伯初襲未經事任年三十以下者送監讀書仍十

日一赴營操演 廣西夷目黃鏐作亂破上思州

州本

土官以設流官鏐等攻州奪印起撫林廷選捕 改

下獄已擄去詐降總兵鄭祐無備遂破其州 漕運總督戶部尚書陶琰爲工部尚書 御史席春

避兄書改檢討 已丑改南吏部尚書廖紀于南兵

部 起右都俞諫督漕 重修金水玉河二橋九門

城濠廣源開水利 錄古田征蠻功 定各邊軍馬

器械三年御史閱視畫圖帖說以聞 陞吏部侍郎

羅欽順爲南吏部尚書 順天巡撫周季鳳相度東

鹿獻縣肥鄉魏縣水利 丙申行熱審法寬恤罪囚

著爲令 勸李隆罪 丁酉陞告病提學副使潘府

爲太僕寺少卿

尋改太常少卿

錄平宸濠遺功

戊戌御經筵

是日日光

淳皇后忌辰

講官呂棉奏乞存忌聖孝上曰已知俯伏不及承旨

上疏請罪宥之

甲申林俊引疾且爭大禮當爲人後不得

推尊所生緝堯舜至宋理宗凡十條以上付所司不

允辭 停各處工程 致仕尚書胡富卒

五月丙午朔停浙江歲造生綾 諭各王府宗室有事

代奏不許私自入京 改正上林苑占種地土量留

內臣如舊額止用九人起用前給事中陶諧連瑾陷謫戊戌者

陞前給事申史俊為光祿少卿致仕忤劉瑾考察者丁巳

經筵 仁宗忌辰暫免前朝不免止衣青綠衣勒琉球遵舊

制三年一貢 添設密雲饒州汝南兵備三員 已

未復驛丞王思為編修泗州知州汪應軫為給事中

逢溪縣大雨雹 查京營馬料申牧養不如法之

罪時倒死數多庚申復設保定副總兵以都督僉事楊

銳領之 給事中劉夔避兄龍改檢討 改鎮國府

仍為太平倉 兵部定各邊房中走回人口事宜男婦

及擄去年茂者給衣糧回家日久諸房情者研審果忠勇有才稱用停止各郡王食

應減內外近侍常例酒饌 河南叅議徐文溥奏

賦役之法

御史潘鵬創立和平冊事體紛更乞遵舊制改正得旨如議

錄開國

功臣韓成孫韓鳳翔冠帶舍人月米一石 丁卯廕

大學士劉健一孫謝遷一子楊一清一侄俱中書舍

人加致仕尚書韓文太子太保廕子光祿寺署丞

經筵畢傳 旨暫免日講及午奏 查議武選清黃

事宜

霍韜三劄中之一

御史盧瓊上言實錄事報聞

言景皇帝

通鑑而實錄止稱鄭良王附 孝宗實錄成焦芳之手多曲筆皆當改正有 旨景皇帝已載英宗實錄焦芳任情天下自有公論不必改修其餘一人一事纂修官因事辨白

南戶部尚書

將昇致仕陞右都楊旦代 六月丙子朔 前南史

禮尚書王華章懋卒。軍職惟弘治仍舊。正德元年以後盡查革。禁晉府屯軍私占鹽場。

大學士劉健年九十都御史存問。薊州礦賊屯聚下

撫按解散勦捕。張文錦巡撫大同。楊志學疾歸。禁內

寺弟姪授錦衣官。彭澤之奏。七月己巳朔。災傷免江

西去年田租。京衛軍遵成化八年例三年一次清

查。嚴軍職冒籍異姓之禁。御史汪珊疏陳十漸

詔南國子監及各省提學修補殘缺經史。定上

貢物盡輸本色。管濟寧閘主事陳嘉言逮獄。太監溫祥

責實冊往安。順天府尹萬鏗條恤民隱五事。一清舖戶產勘其侮慢

以革監先二專委選以均賦役三發公賄以均貴  
任四薄徵解以均雇募五蠲夫價以均恩例議行

御用監歲徵物料如弘治例正德中十增八九定武舉中

式騎射四矢以上步射二矢以上不分等第陞署職二級開

原修邊工完 贈指揮張瀛官立祠蘭州戰死免安陸

州各莊佃戶租十三餘年徵如舊廣西海賊平

起祭酒魯鐸于南京 武職方面缺仍推二員候點

大同軍缺糧鼓譟戮首禍五人 陵戶墳戶全復

祭前御史馮頤主事劉天麒死千逆瑾再議江西各官

失節之罪 已巳南京暴風雨江水涸涸郊社陵寢官闕城垣吻春欄橋

皆壞校木萬餘枝鳳陽淮安亦如之河水漲溺人畜無算刑部尚書林俊請

內官所犯下法司正罪報聞 勘前刑部尚書張子

麟

私通宸濠  
後坐閑住

套虜數入寇指揮楊洪等戰死議處

延寧二鎮失事官仍促陝西甘肅兵應援 彭澤白

請行邊止之 八月甲戌朔 江西災免起運米二

十萬仍加賑卹 設廣西惠州府平和縣 勅各邊

墾田計處便利事宜 福州叛賊伏法

進貴等之主  
謀逆罰者

贈山西叅議呂鏜左叅政

以御史疏劾逆瑾  
既官山西逮杖死

套

虜犯邠州等處大掠

奪總兵  
劉淮職

庚寅存問大學士劉

忠 戒諭壽王

知府韓重降五級重以  
事忤王見挫行勘坐罪

合祀前總督尚書王翱于遼東馬雲葉旺祠中 鄭卿



總兵鎮陝西 釋副使李夢陽于獄 九月甲辰朔

江西巡按陳啟充上逆濠私書劾王守仁

言守仁陰謀黨惡貪

大功辛獲封爵宜追奪提究給事中汪應軫主事陸  
逵皆為守仁壽白御史向信劾應軫同鄉陸澄門生  
黨比數同  
上皆不問 戊申修天地壇祭器 乙卯修撰唐臯

上治河策 癸亥南京吏部尚書羅欽順父老歸養

己巳監生何淵請立世室奉 興獻帝如周祀文

王遺意下部會議 大風晝晦

辛未立 皇后陳氏 十月癸酉朔修蘇松水利工完

復設雲南永昌軍民府 湖廣修前死事尚書吳

雲墓 革蘭州驗糧主事 錄廣西十八寨功 御

史劉廷簠乞復晚朝奏事 冊恭妃文氏順妃張氏

賑南直隸湖廣江西廣西 贈大理寺丞黃鞏爲

大理少卿 給事中章僑御史梁世驥乞以正學訓

士一依程朱之言革文字艱險者部覆從之 辛丑

左都金獻民言王府承奉以下不職官聽撫按糾劾

允行 革去正德間神木所名色仍爲神木廠并減

冗食名數 王守仁辭爵因訟江西同事諸臣黜謫

者 十一月癸卯朔 薊州礦賊平 戊申禮部條

奏議處土官朝覲五事 更定山東四兵備道所屬

州縣 前右通政張龍論斬 始命順天府所雪

廣西思明賊黃鏐等伏誅

山西盜起轉入河南界

陞修撰舒芬等俸各一級

凡二十人皆正德諫巡遊杖責者已死給事中

劉世揚加恩

山東流賊平

史福等三十人梟斬

虜寇岷州擊

却之 畿內養馬正役官吏而下皆不得免

庚申 壽安皇太后崩

詔議十三日除服

致仕大學

士王鏊以存問表謝上講學勤政二篇褒答賡一子

中書舍人 貴州巡撫湯沐上土官事宜

應募者如軍職賜黃

歲終上其世系及有無嗣子不由儒學者不得起送

南京禮部尚書楊廉奏

申明大禮引程朱為證章下所司 癸亥南兵部尚

書廖紀致仕

山東賊王堂殺指揮楊浩切責鎮撫

討之

起類  
遺死

神鎮流劫東亮等處浩部下千戶湯寶先  
之嚴詰撫鎮陳鳳梧等仍勒河道侍郎李

寶保定撫  
臣周季鳳會兵敗之于  
苟村復突至曹州掠考城等處

復華州知州劉

錦官

廖堂  
所陷

分守分巡等官巡歷郡縣以三月出巡

十一月還司

已巳改工部尚書陶琰南京兵部尚

書叅贊機務

逮訊李隆給事中劉最疏勸上

日誦大學衍義勿令左右近習誘惑報聞給巡捕

官軍衣鞋

不為  
傾

辛未始御西角門視事大學士

劉忠謝存問進敬天法祖抑邪進賢疏褒答賡子一

如王整

大理寺卿鄭岳請正內臣賈全等侵盜罪

報聞

十二月癸酉朔湖州水災再折糧六萬石

發鹽課銀五千兩賑之 陞工部侍郎趙璜本部尚

書 湖廣災荒改折賑濟 丁丑諭兵部申盜賊首

免之條 南太僕寺卿潘希曾奏所欠馬匹每匹徵

銀十八兩從之 陝西流賊殺傷指揮瞿相等 戒

近臣陞俸級者不必再辭 差科道查河套失事及

山東礦賊 濬潛江縣淤洲 御史楊百之奏保太

監張銳弟張儀

為給事安磬所劾百之亦計磬請囑扶私上兩釋之罰幣百之三月磬

月 查勘牧馬草場奸弊 山東流賊劫掠轉入南

直隸 贈松江知府張文明太常少卿

御史時直隸降官陞守松

卒

戊子給事中史道陞山西僉事奏大學士楊廷

和罪狀廷和自辨乞致仕不允道疏下部院叅問齊

宇彭澤交劾繫獄仍禁言官挾私報怨 魏公徐鵬

舉申明南京操備例鵬舉言江南北北總以下等官俱內外守備節制不關操江而

都御史胡豹侵奪事權非故事部覆謂協同軍事不足爭上報如鵬舉所言蓋欲權歸本兵守備也

開原大饑 申明均徵地畝之法優免者止照人丁不得濫及地

革各省冗官 山東賊逮兵備官黃昭道等下

獄 虜寇山西掠偏頭關外

上始御奉天門受朝 侍郎兼僉都減鳳至自大同前已

因院管事尋總兵楊宏疏漕運事宜宏奏以輕資銀沿途動支

邊警爾往為戶科所駁部議解赴淮安總漕衙門照數給領運至通州發封分散至今為例

嘉靖二年癸未正月癸卯朔 科道劾彭澤阻塞言路

澤求去不允論科道官各陳所見言事如故 科道

官勘還戚里所占民田 流賊至考城縣敗官軍指

揮趙泰等戰死 副使李氏都指揮凌備擊之頗有斬獲

至戰敗事聞逮下錦衣 大星入大教垣 楊廷

和求去慰留之 御史曹嘉言史道之疏嚴旨切責廷和

九江兵備節制黃州所屬 建周公廟于洛陽

應撫何天 虜小王子入沙河總兵杭雄戰却之

御史曹嘉劾吏部尚書喬宇 宇求去 湖廣瀏陽賊

流劫袁州 二月壬辰朔 南守備魏公徐鵬舉會

議京府匠役人夫事例

乙亥革皇莊名目仍禁動

咸妄受投獻

夏言等勘明疏四事得旨

誦史道南陽府通判

增捕營兵二千

改勅總督宣大臧鳳并督山西三

關 庚辰江西叅政邢珣徐璉考察當罷以軍功陞

職致仕

獎卓異官十六人

已回任遣人資賜

定淮鹽每

引七錢

開陝西等處鹽引

給事中黃臣請內閣票擬章奏

時批答稍誤臣言內閣票擬先朝舊制今乃虛

代言之職而中官肆專擅之奸漸不可長疏入改批如制

方面官經撫按論不

許奏辨聽吏部覈實

山東賊皆潰散

丙申易

興獻帝陵廟黃瓦

孝惠皇太后塋茂陵之右 禁



請調寄養馬匹 廣東清軍御史兼鹽法

上御奉天門始鳴鐘鼓 禮部尚書毛澄致仕 修濬

京師北城垣河 三月壬寅朔 御史曹嘉上疏列

廷臣爲四等調昌邑知縣 南禮部尚書楊廉致仕

勅雲南黔公提督屯田 再貶史道曹嘉及僉事

閻閔皆縣丞閔所職使 延綏巡撫姚鏌請以薛瑄從祀

孔廟 改南吏部尚書羅欽順于禮部 雲南府地

震 陞侍郎秦金南禮部尚書 壽光知縣劉峻討

斬羣盜唐經等 定餘鹽存留納價輸部濟邊 丙

辰策進士李舜臣等四百十人賜姚涑王教徐階及

第出身有差

足科考官大學士蔣冕掌詹尚書石琚

陳儒甘為霖鄭曉朱泚彭黥顧夢圭張時徹柯維祺

南大節買應春朱廷立傅鳳翔周延魏良弼曾燮屠

楷韋商臣李士朝都御史姚鏌奏薦先朝直臣劉

王浩楊中行雒昂

蒞羅僑等

南京神樂觀火

佛郎機別都盧寇新

會擒斬之

御史許宗魯申理曹嘉勅給事中毛玉

癸亥御經筵明日日講

剡城縣隕霜殺麥

久

早風霾修省停齋醮興造

李鉞仍陝西總督

先嘗召還

會勘高牆庶人酌情罪輕重以聞仍加優卹

改

南戶書楊旦于南吏部

編修孫承恩給事中俞敦

使安南以莫登庸亂不進

敦病卒承恩回京

允祭

酒魯鐸養病 木星金星俱晝見 殞霜殺禾 四

月壬午朔 災異修省 勅諭中外祭廟社山川

陞王纘南戶部尚書李 陞崔銑南京祭酒 致仕

終養官節行可稱者優以月米 慎選兵脩官 錄

宋儒朱熹裔孫墅五經博士于婺源奉祠 祭前工

部主事費瑄于呂梁洪瑄築壩捍水設法賑濟 添設山東青

州兵備起服僉事牛鸞為之王堂已平 戶部主事羅洪

載下獄錦衣百戶張瑾率較尉楊受等文係通倉橫取洪載信之與杖瑾遂奏言擅辱官較上怒 罷

考訊戶部吏部尚書執奏不從竟調湖州通判 罷

獨流廠葦課軍官 戊子劉麟巡撫保定 致仕尚

書陳壽卒

祭晉處士陶潛于彭澤

獨宣大二鎮

未徵椿棚銀

給事中汪應軫請革京城舖戶

部覆以舊

制不可改惟先給物價

疏理順天等處寄養馬匹

癸巳兩

京三品以上及撫按官各舉堪任守令者以聞

致

仕南兵書劉機卒

乙丑

興獻帝廟享用八佾

刑部錦衣衛官按山東巡按李獻

獻杖死鄒縣知縣沃潮其母訟寃

閏四月辛丑朔

楊廷和喬宇等疏停齋醮報聞

盜入宿松執典吏羅讓殺其子

亢旱審錄罪囚

更定盜賣官馬之例

祭前給事中郝夔

為逆珍膏而自

者盡

致仕尚書毛澄劉璟卒

責刑部尚書林俊對

狀太監崔文家人李鳳陽有罪爲御史劉綱所繫送刑部文訴于上移鎮撫司訊理林俊執奏上

怒俊復上疏引成憲爲言受困上旌優容之裁西番進貢人數

厚恩不敢愛死照弘治以前庚申陝西盜楊錦等伏誅雲貴廣

西及廣東雷廉高瓊四府首領雜職及上官衙門千

戶所吏目卽用本省別府縣聽選人相兼選用黃河

迤西甘涼肅如之大旱五月庚午朔通查賦

額及經費多寡之數御史奏南尚書秦金災異極

陳不如初七事戊寅雷雨碎觀象臺候風杵及不

座虜犯密雲殺指揮殷隆等四人致仕南尚書

黃珂平大理寺卿鄭岳錦衣指揮王佐往按李隆

獄尋發隆面質

量增鹽商中納之課

時鹽價甚高

修

宋臣韓琦范仲

祠于延州

祀吏部尚書王恕于

三原御史余翺劾太監張佐

言佐典司章奏不取上裁假借言事疏隔

內閣變移國是報下張佐謹慎

祭前運使連盛

瑾

所陷

允李鉞還京

正月申房內亦不利往牧西海人寇甘涼山永等處下總督

鉞甘肅巡撫陳九疇合兵候春

修復儀真江都一

縣蓄水官塘

賜贈大理少卿黃鞏葬恤其家

先已與祭

贈御史蔣連光祿少卿與祭

宸濠之變以死勤事

復貴州

宣慰司生員一年一貢之例

六月庚子朔

議邊

方巡撫又任

監充官復命不必候代

郡王而下

例外求請者親王不許代奏 賜太常少卿張衍瑞

祭墓贈太僕卿直隸累災傷除漕運外各稅俱免

五分 日本貢使至寧波互爭殺掠寧紹下其使宋

素卿于浙江獄 山西陵川縣流賊劫掠 增南京

歷事監生 增順天府廩生二十人每年貢二人

山東賊劫萊蕪縣獄掠淄川金鄉等縣 吏部尚書

喬宇在告免朝叅專理部務 祭前天津副使胡文

壁太監張忠誣下獄請成死上用供帳物料悉照弘治間例

虜入甘肅殺指揮孫仁等 七月己巳朔 永福長

公主歸駙馬蔡震上之姊時孝惠太后服未終給事安盤請俟喪畢仍依儀注公

主坐受兩拜之禮報殺

祠大學士劉珥于鄉

定海衛等處

空中聲如雷驟風雨地大震城堞盡毀

禁查革人

辨復

時旄較王邦奇等巧辨疏六七上

賜前副都朱欽祭葬

作逆瑾被

逮致仕卒

南京大疫

贈前興化知府岳正太常寺卿

江北大水 凡倉耗以年為限

止于三升

逮工部郎

中葉寬員外郎翟璘于獄

修葺陳萬言賜宅言其高廣宜裁萬言作辭且謂二

臣原規畫因坐罪請言再疏釋之

濟州宣慰使楊相母喪乞如文

臣守制以無例不允

戊子陞吏部左侍郎汪俊禮

部尚書 庚寅刑部尚書林俊致仕加太子太保

甲午給事中劉最劾太監崔文謫廣德州判官 勅



應天巡撫李克嗣賑濟 八月改左都御史金獻民  
于刑部邊憲右都代 改秦金南兵叅贊 大學士  
劉忠疏謝存問并陳正身致治之要優答之 庚子  
進壽寧侯張鶴齡爲<sub>臣</sub>國公 加慶陽伯夏臣太子  
太保都督同知陳萬言泰和伯 應天府滁州等處  
大饑截漕糧三十萬賑之 召宣大山西總督臧鳳  
還京 開封等府大水 水星犯上將星 督漕右  
都俞諫回院 顏頤壽陞南禮部尚書尋改南戶部  
虜入畛嶺口馬永擊却之

丁未 萬壽節從吉受朝以孝惠制未終免宣表雞唱

山呼 癸丑奉迎防守功加太傅定國公徐光祚太  
保武定侯郭勛俱兼太子太傅餘侯伯九人皆太子  
保傅 致仕大學士劉忠卒 副都胡錠督漕 廣

吳公言偃祠給祭田 金復海等州大雨暴水賑卹

虜入遼東殺指揮工綱 布政王蓋畢昭俱副都

府丞王堯封僉都撫河南山東山西 禁勲戚結婚

內寺 九月戊辰朔 謫南大理評事林希元泗州

判官

寺卿陳琳等  
劾其抗違

秦府宮殿火 申南京守備職

掌 給事中汪應軫請改南京便養許之 南戶部

侍郎吳廷舉兼左僉都賑安慶徽寧池太五府

中戊大學士楊廷和一品四考加太傅賜宴禮部力辭

乃免 大同巡撫張文錦請增設五堡 查官莊田

地數目照成弘間原額以聞 定江西死事官周憲

配享孫許旌忠祠

舊配黃宏馬  
思聰罷設

申雲貴土官應襲

事宜

結勘不許  
出一年外

虜入密雲

傳出黑字揭帖給使

臣馬匹尚書彭澤疏諫令傳紅如舊 成國公朱輔

卒 清出莊田俱許給主 優卹前尚書章懋遺孤

月給米  
二石

降谷大用二級仍舊司香 十月丁酉朔

逮臨洮知府郭九臯

九臯前為永平知府魏公賜  
田在永平者洪武末年已辭

退至是徐光祚隱情奏討謂民間占種奏下撫按九  
臯不為理光祚嘆潞州刀民趙紀証告東廠太監芮

景賢書手陶淳

受賄又職景賢奏聞  
並下鎮撫司究問

進士曾梧以

母病擅歸勘實宥之 戶部尚書孫交加太子太保

兵部尚書彭澤加少保並致仕 貸重犯王欽等死

發戍免追贓

出內批給事中劉濟  
部院執奏報有旨

定決囚事例

正統

間有批手本留人之事以後或旨意不出昏夜鼓  
杖留人比及行刑多在深夜至是用御史陳道言鳴  
鼓訴冤者在三覆奏  
前行刑在未刻前 停止丈量 先解史王  
佩所奏 十一

月丁卯朔 召南兵書秦金于戶部 已巳添雲南

曲靖兵備一員 改刑部尚書金獻民于兵部兼團

營 南大理寺副鍾瑞奏林希元駁獄叅降乞與同

罪速勘從之

下劉最及御史黃國用于獄 最貶州  
判用禮

科書銜以行國用巡撫長蘆以牌送之爲東廠前景  
賢所發最誦成國用降邊方雜職時某官郎如環黃  
累若捧勅者前  
道事同發前籍

定巡撫久任四年以上有功者賜

勅增秩 召南刑部尚書趙鑑于刑部陞邊憲代

應天巡撫李克嗣陞南兵部尚書晉吳廷舉右都代

致仕南尚書柴昇卒 直隸江北水災集議賑救

奉 孝惠皇太后神主于奉慈殿 給事中劉穆

往沿海斟酌倭貢通絕事宜 南侍郎席書兼會都

賑湖廣并江北 設荆襄兵脩副使一員 十二月

丁酉朔 勘會李隆罪論斬 廷臣請停織造報聞

吏部侍郎何孟春以災傷引漢魏以來奏記八事

以上 上曰官俸勿減餘如議 災傷免明年慶成  
宴修撰唐臯言禮不可廢從之 節婦十四人

補遺

正德十六年四月十五日策進士時喪制未滿就西  
角門引見行禮免傳制唱名并恩榮宴百官素服侍  
班樂設而不作 十二月除張璉南刑部主事先是  
下璉大禮或問於禮部看詳大學士楊一清家居聞  
之寓書於吏尚書喬宇曰張生此論聖人復起不能  
易也宇不能從至是除璉南部掌詹事石瑄語之曰

第慎之大禮說終行也大學士楊廷和令中書舍人張天保語璉曰子不應南官第靜處之無復爲大禮說難我也璉曰吾難彼乎哉吾爲禮而已

嘉靖元年六月起南御史李熙爲饒州知府

後轉副使卒

先是大能仁寺妖僧齊瑞竹正德間謀領璽書金印賞賚不貲伏誅籍錄至是盡毀所設佛像刮金屑一千三百兩悉給商賈宿負九月副都劉玉劾濠妃婁氏親族助逆罪廣信知府周朝佐訊獄寬縱朝佐逮謫婁星等戍邊

二年三月御史曹嘉奏吏部尚書喬宇感楊一清汲

引之恩謬䟽推舉及濫廕內閣書役劉棨之子諸事  
宇䟽乞休慰畱之嘉又效范仲淹上百官圖一曰貴  
望頗久可備任用者林俊石瑋孫交汪俊劉玉陶琰  
李時董玘二曰歛束寡過足供職守者毛澄金獻民  
周倫何孟春李鉞鄒文盛臧鳳張濬姚繼巖張雲張  
衍瑞劉麟張九叙溫仁和豐熙三曰人品庸衆尚堪  
策勵者趙璜十四人四曰行檢卑污速宜削奪者張  
子麟十四人此四者進退倚伏之間治亂安危所係  
也給事中毛玉因劾嘉不當品第大臣宜賜罷斥從  
之嚴陝西四川湖廣私茶之禁